

LESSON 2

*April 4–10

Pasian Theihtel Na



SABBATH NITAAK

Tu Kaalsung Simding: *Pian. 3:1–5; Siam. 20:26; 1 Sam. 2:2; 1 John 4:7–19; Pian. 1:1; Pian. 2:7; Matt. 1:23; Matt. 28:20.*

Kamngah: “Tua nuntak tawntungna in nangmah bek a man’ Pasian na hihna le na sawlpa Zeisu Khazih a theih nading uh ahi hi.” (*John 17:3, ZSV*).

Pasian’ omzia theihtel taktakna pen Amah tawh a kip kikhawlhna a dingin thubulpi ahi hi. Tua ahih manin, tukal sungteng in Lai Siangtho in Pasian’ omzia a genna teng en ngiatngiat ding hi hang. Theih ding thu in;

“Pasian telkhihlhna khuamial in leitung tuamcip hi. Mihing in zong Ama’ omzia theihna mansuahta uhhi. Ki telkhial in ki letkhial khin hi. Tuhun in Pasian kiangpan thu puak khat tangko ding om a, hotkhiatna khuavak hong taan thupiak khat tangko ding hihang. Leitung khuamialna sungah Ama’ minthanna, hoihna, hehpihna leh thumaan khuavak taangsak ding hihang. Leitung ah tangko lai ding thupiak nunungpen in; Ama’ hong itna omzia ahi hi” —Ellen G. White, *Christ’s Object Lessons*, p. 415.

Pasian thupen akhawng akhek in ki pulaak zolo ding hitaleh, Lai Siangtho sunga teng beek pulaakkhia thei sam hihang. Lah theizo ngeikei ni in, a diakin Pasian omzia lamdang i theihna dingin, thungen in i kisin ciangin, Amah kithuktheih semsem ding a, Amah tawh kinaikhawlh nopna tha le midang tungah Ama’ itna lengkik sak nopna tha te hong suak semsem ding hi.

* *April 11, Sabbath ading kiginkholhna in tukaal lesson sim in.*

A Kitezaw Pasian' Lim

Pasian' lim taktak a kitelpen le a kippen, Lai Siangtho in honglak hi. Lai Siangtho buppi sungah muhtheih hih leitung leh muhmawh leitung tegel kikal a puandalna hong liipkhiat sak nuam hi a, eite zong koipan hong pai a, koilam zuan cihte; kua in eite hong uk, Amah koibang hi cihte hong laknuam hi.

Pasian in Amah le Amah Lai Siangtho sungah Zeisu Khazih, sung lut Pasian tung tawnin hong kipulaakna Piansil pan Mangmuhna dongah om hi. Vanglian Pasian ahihna Job 1:12; theikim ahihna, na khempeuh theihna Isa. 46:9, 10; A thumaanna Isa. 30:18; A hehpihna Thkna. 7:9; hong itna leh hong thuakzawhna Rom. 2: 4; a pilna 1 Cor. 2:7; A hehpihna 2 Cor. 12:9; A mawhmaisakna Matt. 6:14; eima' nuntakna dingin hong deih sakna Jer. 29:11; sihna tungah a gualzawhna vanglian John 11:25; a kumpi dinmun Late 47:8; A tawntung pianzia Thkna 33:27; le Amah tawh kizom in kikhawlhthe hihna dingin hong piak omzia dangdangte zong tampi omlai hi. Pasian' omzia koibang cih thei tel semsem leng, Amah it semsem in Amah tawh kinaikhawlh semsem nuam ding hihang.

Pasian' omzia a lunghiang masapen Lucifer ahi hi. Pasian tung tang a lunghianna in vannuai tangthu sungah gal kidona lianpen tung sak hi. Tualai pan kipan in “mihingte' lungsim khempeuh Pasian theihna panin a khak-hal thei ding nate tawh Satan in kidim sak hi”—Ellen G. White, *Testimonies for the Church*, vol. 5, p. 740.

Eite in Pasian' lim i muhna ah, nakhempeuh pasian, pasian omlo, pasian tampi om cihbang khawng umlel lengzong a taktakpa a hihkei ngal leh, Satan in phamawh saselo hi.

Simin, Piansil 3:1–5. Eve tawh a kihona ah Lucifer' mungtuppi in bang ahi diam? Eve kiangah Pasian' omzia bang zuau phuak hiam?

Eve kiangah Satan' thupiak in hibang ahi hi: Nang theihloh in Pasian in seelsim nei hi. Pasian in nang a ding ahoihpen hong deihsaklo hi. Muang kha ke'n. Ellen G. White in zong tuavai pen “kidona lianpi kipatcil limlim in Pasian' omzia telkhialhna ding leh Ama' thukham langdo ding pen Satan' ngiimna bulpi hipah hi”—*Patriarchs and Prophets*, p. 338.

Leitung in Pasian' omzia koi bangin telkhial hiam? Tua sangin a thupi zaw thamlai, nangmah ngei in midang tungah Pasian' omzia koibang in lahkhiel zel nahi hiam?

Pasian Siangtho Hi

Siangthona cih limlim pen mihingte in nisim kampauna sungah kihelselo a, i kiim le paam ah a siangtho a tawmluat hang ahi hi. Sabbath in a siangtho ni hi a, Pasian zong siangtho hi. Hinapi eima' nisim nundan ah siangthona kisampha hihang. Pasian' omzia tawh kisai kisin limlim lecin, Ama' siangthona pen a thu laigil pen mah hong hiding hi. Bang a cihnopna hiding hiam?

Anuai-a munteng in koi bangun Pasian pulaak uh hiam: Siam. 20:26; 1 Samuel 2:2; Isaiah 57:15; le Ezekiel 38:23?

Lai Siangtho in Pasian pen siangtho'na mualsuang in pulak khin a, tuapen gitlohna peuhmah tawh kipawl kilkel lo a cihna hipah hi. Pasian pen a kipatna pan a tawp dongin 100 in hoihi hi. Tuabang icih ciangin Ama' siangthona in Ama' omzia bulpi ahi hi.

Gentehna in, Pasian' itna in siangtho itna hi a, angkhualna leh kiliatsakna tawh kipelh hi. Ama' pilkimna zong siangtho pilna hi a, gitloh nopna tawh kipelh sitset hi. A pilkim Pasian in siangtho kei tazen leh na muangngam ding uh hiam? Tua sangsik in kihta mahmah zawsop ding hihang.

Pasian' vangliatna picing in zong a siangtho vangliatna ahi hi. A vangliankim Pasian in siangtholo hileh, Amah in a vangliankim a gilopa hibek ding hi. Pasian' siangthona bekmah in Amah hong itsak thei hi. Amah a kipatna pan a tawpna dong hoihkim hi. Tua hi a, Pasian' omzia teltak in kisin theihna ding in siangthona' omzia ahi hi. A kitel khial penpen tuathu mah ahi hi.

Lai Siangtho sunga Moses, Isaiah, Ezekiel, Daniel le John cihte in Pasian' maiaha omzia uh ngaihsun un. Amau' dawnthuk masakna koi bang hiam? Amau' khedapte uh zong suahkhia, a maitang uh seel in misi bangun bawkkhup uhi. Mihing i hihna tawh ki siangtholo ahih manin Pasian' mai-ah kiding zolo hi. Mihing in Pasian' maitang a etleh nungta lo ding hi.

Tua mahbang in Ellen G. White in zong, mangmuh ciangin, ama' muhna banglian in "*Siangtho, Siangtho, Siangtho*" ci-in kiko zel hi. Tuabek thamlo, a nungta ganhing lii te in zong sunlehzan khawlhun neilo in "*Siangtho, Siangtho, Siangtho; A beisa, tuhun le a tawntung a om vanglian Topa Pasian*" (*Mang. 4: 8*) ci in phatden uhi.

Pasian in a siangtho sitset hi-a, Ama' kiangah i pai ciangin zong tuamah bangun mu ding hihang. Tua in nang koi bangun hong hu zaap hiam? Na omzia tawh kisai in bang tona hongpia hiam?

Pasian in Itna Hi

Itna pen Khristiante in Pasian' omzia pulaakna ah a zatpen kammal ahi hi. Itna in 1 John 4:8 sung "Pasian in itna hi" acih mah bangin, Pasian' omzia pulakna hi a, John in "Pasian in hong it hi" ci ziau lo-in, "Pasian in itna hi" cih. Itna pen Ama' omzia, Amah ahih na thu laigil ahi hi.

Mi tampi a dingin, Pasian' lim amau' muhdan pen, mihing ki-itan peuh tawh hilel a, a kisiasa itna pi hilelpeuh hi. Tua ahih manin itna i pulaak ding ciangin Pasian hong lahsa lim le Ama' kammal sunga Ama' pulaakna bang bekmah hiding hi.

Simin, 1 John 4:7–19. Itna pen koibang in hong hilhcian hiam?

Pasian' itna in picing, suakta in kikhawlhna hi-a, 1 John sungah a pulaak "kizom" acih bangin "Pasian in eite hong itna thu eite mahmah in thei in i um uhhi. Pasian in itna hi-a, itna a neite pen Pasian tawh omkhawm uh a, Pasian zong amaute tawh omkhawm hi" (1 John 4:16). Pasian in ki-itna hi-a, Ama' lim-mel sunin hongbawl hi (Pian. 1:27). Hebrew pau in itna pen *hesed* hi. Tua in mihing tawh kithuciam na itna pulaak a, a kilangh cihtakna, huutna, kipkhona le citna cihte ciaptehna ahi hi.

Tanglai Hebrew le Greek pau sungah Pasian acihna pen a khatna tawh kizui-in Pasian' hoihna pulaakna min tuamtuam om hi. Hiteng ah nih bekbek mah kipulaak hi.

1. *Adonai*: thuciamna tawh akipawl, a mang tawntung, na khempeuh' Topa, (Pian. 15:2; Thkte. 6:15; Mal. 1:6; Late 97:5).
2. *Yahweh Yireh*: Topa'n hong sik ding hi (Pian. 22: 13, 14).

A lianpen Pasian' hong itna pen Ama' Tapa mawhneite a ding sihna thuak dingin (Rom. 5:8) leitung ah hong piaksukna sungah kilangh hi (John 3:16). Pasian in tuathu pen mihing lakpan in dokkik thei phial hi taleh, lungsim picing takin, angkhuallo itna tawh leitung ah hong sawl suk a, eite ading aiawh hong sihsakna suakta takin dangthuk kikthei dingin hong deihsakna ahi hi. Pasian le eite' kikal kihalna tungah Zeisu in lei hong dawh sak (Isa. 59:1, 2) bek thamlo, a picing Pasian' itna hong lakkhia dingin nungta (John 14:9; Heb. 1:3) a, mi khempeuh Ama' lamah huup ding hi (John 12:32).

Pasian' min tampi takin Ama' Siangthona le itna bulphuh uhhi. 1 Cor. 13:4–8 sim inla, "itna" a omna munteng pen "Pasian" ci in simin. Pasian' omzia na theihtelna koibang in hong khangtosak thei naci hiam? "Itna" omna munteng ah nangma' min guang ding hileng, bangzah nakilawm thei ding hiam?

Pian'sakna Sungah Pasion

Lai Siangtho kammal masa pen thei tek ni: “A kipatcil in Pasion in” hi. Hebrew pau in Pasion pen Elohim hi. Hih kammal pen *pasion maanlote* nangawn kimin lawh thei hi. Pasion maan taktak minlawhna in zat ciangin, vanglian penpa, vangliatna khempeuh tawh na khempeuh a Piangsakpa, mihing tel zawhloh ngeina khengval ahoih na khempeuh a uk Pasion ahi hi. Vangliatna tawh a kampau ciangin, Ama' aw in na khat peuh piangsak thei hi.

Piancil 2 sungah, Pasion' minmah a dangkhat omkik hi: Yahweh. Tua minmah in Elohim (*Yahweh Elohim*) pen zong, tua a vangliatna khempeuh anei pa Pasion ahi hi. Pasion maan taktak minpen Yahweh hizaw a, Amah in a piangsaksa mihingte itna tawh ki khawhlpah a, thuciam itna tawh it cihnopna hipha diak hi.

Simin, Piancil 1:1 le Piancil 2:7. Pasion a kipulaakna teng saikaak in. Bang na phawk kha hiam?

Piancil 2:7 ah, Pasion in khukdinsa in leivui panin Ama' khut tawh mihing masa penpen bawl cih ngaihsun in. “Topa Pasion in leilak panin leivui tawh mihing bawl a, anak sungah nuntakna hu sangsuk hi. Tuami pen leitung nuntakna nei mi hongsuak pah hi.” Tua Pasion pen Adam' naksungah husansukna tawh hong kinaikhawlh Pasion ahi hi. Amin Yahweh pen Pasion' min hizawdeuh nabi Moses in bel Piancil 1 le 2 sung ah Pasion' omzia namnih a pulaakna in min nih hong zang hi.

Lamdang lua! Pasion in Elohim in hong kiniam suksak, Ama' mun ahilona, eite tawh kinaitak in Yahweh in hong om hi. Hih Pasion' omzia namnih lungngai lecin: Amah'n nakhempeuh uk hi nabi, eite tawh hong kinaikhawlh mahmah hi. Paul in Athen khuamite tungah “eite kiang panin tua Pasion gamla om hetlo hi. Pasion hangin eite piangin, hingin i gam tang' hi” (*Sawl. 17:27, 28*) cih.

Amah tawh kikhawlhna sungah i khantoh theih nadingin, Lai Siangtho in honghilh Pasion' omzia le Ama' limmel taktak a kitel mah mah in zong ding hihang. Lai Siangtho munkhat peuh bulphuh in i sim' vat lel sangin, a buppi mah simsuk ngiatngiat ding thupi hi. Pasion' thu tam sim semsem leng, Amah itna khang sem sem hi.

Job 36:24–33 le Job 37 sungah Elihu in Pasion omzia pawlkhat a pulaakna teng simsuk in. Tua khितте Pasion in zong Amah vang liankim ahihnaa pulaakna Job 38, 39 sungah simlai in. Hihmunte in Pasion' thu bangteng hong pulaak hiam?

Immanuel, Eite tawh Hong Omkhawm Pasion

Khristian ahilo mikhat kiangah Lai Siangtho sungpan in Pasion' omzia pulaak ding hilecin, koipan nong kipan tammaw?

A dawnna hoihpen in Zeisu mah hipah hi. Zeisu in Pasion' omzia leng'kik bek hilo, pulaak ngiat hi, Lai Siangtho in cihi. Lai Siangtho mun tampi mahin hihthu pulaak ahihhang, John 14: 9 mah kicianpen hi. Tualai ah Zeisu in “Kei nong muh uhleh Pa namu khin uhhi” cihi. Pasion a mutel semsem nuamte in Zeisu ending hilel hi – a kammal, a tat le hek, a omdan le sihna, thawhkikna tawh mihing hong itna lianpi te en' ding hihang.

Pa' hong itna leh hong kepcinna pen a Tapa Zeisu sungah hong kilangsak pen hi. Lai Siangtho hoihna pen Pasion in Ama' omzia pen, Zeisu' nuntakna sungah muhdan nam lii tawh hong pulaaksak hi. *Matthew (Jew mikhat in Jewte ading agelh)* sungah Zeisu pen, sawt pekpan in kamciamsa Messiah in a kingak densa cihi. *Mark* in zong Zeisu pen na hong sepsak le hong kipiakhia dingin nungta cihi. A Pa' deihna tawh kizawitawn in mi dangte a ding vive ngaihsut sakden hi.

Luke sungah, mihing taktak hong hihna le hong veii'na tawh Zeisu' thuakna, Luke 1:3, 4 simleng tua thute thumaan taktak ahihna kimu hi. *John* sungah, hong sunglut Pasion Tapa kimu zel a; eima' khalam nundan a khanlawh theihna dingin Zeisu pen Amah mah ahihna um dingin hong sam den hi.

Tua lungdamnathu bulii tengin a deihna mun tungciat uhhi; “a kibang lel nate tawh lim hong lakziau hilo hi. Laigelhpa khatsim in ama' muhdan tawh gelh a, thu tuamtuam vive tawh lungsim tuam tuamte sungah pilna zaisak, thuksak thei uhhi”—Ellen G. White, *manuscript* 105, 1900. Bang Lungdamna thubu nasim tampen hiam?

Simin, Matt. 1:23. Zeisu pen minkhat kivawh tuam hi. Pasion' omzia telcian theihna dingin hih min banghang in thupi hiam? Matt. 28:20 a tawpna lamteng bulphuh in simin. Hih minnih ne etkak ciangin bang naphawk kha tammaw?

Hih thulu tawh kisai a tungtham, Pasion' omzia bek sawkkha pan hihang. Pasion in ei tehmainai theih sangin lianzaw tham lamdang zaw tham lai a, tawntung hun sungah zong Ama' thu mah kisinsin lai ding hihang.

I nun'na sungah Ama' hong hihsaksa teng le Ama' hihna limlim pahtawi dingin Pasion in kilawm ngiat hi. Pasion' hihna tungtang pahtawi nadingin thunget hun tawm la ngiat in. Lai Siangtho hong gen bang teek in a malmal in lo in. (Gentehna, “Lungdam ing Topa nong hihsak manin; .. sungah nong cihsa bangin.”)

Ngaihsutbeh Ding: Pasion in Amite peuhmah Ama' omzia lak ding in asap hi-a, tuabang hihtheih nadingin, eimah ngiat tawh i kitheih kul hi. Mawhnei mi i hih manin, i mit in a picinna muzolo a; Amah teltak in muhtheihna ding pen Ama' kammal Lai Siangtho simna ahi hi.

“Mihing’ lungsim kiguizui in hong piangsuksuk pate’ itna pen mihing lungsim sungah dikna luitui bangin hong luangsuksuk zel hi. Beihun aneilo hong luangsuksuk den mong neilo tuipi bang ahi Pasion’ hong itna pen a tung a luitui luang tawh etkak ciangin lui hong neulua keei lel hi, Kam tawh genzawhloh, laikung tawh gelh zawhloh hi. Na nun sungteng tua tungah ki-aap den thei ding hiteh. Lai Siangtho na telcianna dingin deihtak in na zong thei ding hi. Vantunga Pa’ hong itna le hong veiina teng telcianna dingin vang liatna zong samthei ding hiteh. Ahihhang telzawhloh tampi omlai ding hi.

Hong itna pen khangtawn in na sinsin hangin Amah leitung ah si dingin hong piak ngamna hong itna azaina, athukna, asanna telkim zo tuan nailo ding hiteh. Tawn tung hunin zong tuathu pulaak khinzolo ding hi. Ahihhang, Lai Siangtho simin Zeisu’ nunna tungah ki-aap den leng hihthute telsemsem theihna dingin hong kihong zawsem ding hi” —Ellen G. White, *Testimonies for the Church*, vol. 5, p. 740.

Kikupding Dotnate:

- ① Tu kaal sungin kisinna sungpan Pasion’ omzia lungngai lecin, koipen in Pasion hong telcian sakpen nasa hiam?
- ② Nang le Pasion nakikhawlhna a thahatsak thei dingin Pasion’ omzia bangteng nakisin beh thei ding hiam?
- ③ Innkuanpih ahi a, lawm khat tawh ahizongin ‘*Steps to Christ*’ sim khawm unla, chapter 1 na kikumkhawm un. Hih chapter sung pan Pasion le Zeisu’ amaute’ omzia namuh thak bang om hiam?
- ④ Mi tampi in Pasion’ lim susia mahmah uh a, tuapen Zeisu in puahpha kik dingin hong pai hi. Nangma huzaap tungah Pasion’ lim le omzia maan taktak koi bangin hawm sawn thei ding nahiam?
- ⑤ Monday sinna ngaihsut kik in. I mawhna kician-in siangtho kei mah leng, Pasion’ mite siangtho-a nuntak ding tawh kisai-in Lai Siangtho sungah kician-in kigen hi. 1 Pet. 1:13-16, Rom 6:22, le Heb. 12:14 te simin. Pasion pen a siangtho hi-a, amah bang dingin hong zawn hi. Nuntak siangtho tawh nungta cihpen bang a cihna hiam?

Tomkaihna: Piansak hun a kipat a kipan in Pasion in eite tawh nai’takin kizopna neih ding lunggulh hi. Ama zialetong i theih manin Satan’ hong do’ sawmna ahih hangin Ama kammal le tapa Zeisu nunzia tung tawnin eite kician takin honglak hi. Atawpna ah, eite in Amah tawh i kizopna a thuukzaw nadingin Pasion lim le meel kician takin i neih ding thupi hi.

Sabbath ni-a Len' ding Nialna

SDA sumbawl siam Kasereka Maghulu Kavatsi in Democratic Republic Congo gam ah lo'huan bawlina, nga'man, puanlam, le Kavatsi Airlines kici vanpua vanlengte a kihel sumbawlina lianpi khat a phuan hi.

Hun khat ah, Kavatsi Airlines in Kenya gama a pawlpih khat pan Boeing 707 jet ngah hi. Kenya lam pan a kizop pihpa in Dubai company khat kiang pan vanleng ngah a, tua Dubai company in zong Britain a nei pa kiang pan a ngahsa hi, hih pen kilemna haksa khat ahi hi. Lease thu kimna thute bangin, Kavatsi Airlines in a sumlawhna pen Kenya, Dubai, le Britain gamte-a om sumsinna munte tawh a khenkhawm ding uh ahi hi.

Van pua kalsuannate nuamtak kalsuan mahleh khuahun hoihloh man in Friday ni khat kikhawlsak hi. Kenya pan a pawlpihpa in Saturday ni-in leng ding ngen mahleh, Kasereka in nial hi. "Sabbath ni-in ka len nading lampi a om kei hi," ci-in gen hi. A sepkhoppihpa in Dubai hopih hi. "Hih pa tungah i jet lenna i pia a, amah in Saturday-in len ding deihlo hi," ci-in gen hi. "Amah thuzawh sawm in. Hih pen sumzonna thu ahi hi."

Dubai company in Kasereka kiangah thum mahleh, aman' sanglo hi. Tua ahih manin, Dubai company in British neipa, Swahili pau athei mikangpa, zaksak hi. Ama in Kasereka hopih a, "Bang hangin tuni leng lo na hi hiam?" ci-in dong hi.

"Seventh-day Adventist ka hi," Kasereka in ci hi. "Tua pen biakinn ahi hiam?" "Hi, pawlpi hi." cihi. Tua ciangin a neipa in Kavatsi Airlines tungah vanleng a hawl sak mi dangte hopih in Kasereka' thu dong hi. Amaute in amah mi hoih khat ahihna thu gen uh hi. "Hih pen upna thu ahi hi," amaute'n ci uh hi. "Sabbath ni pen ama upna tawh kisai hi." A neipa-in Dubai le Kenya-a a sumzonpih-te tawp ding thupia hi. Upna thu ahih manin amah buaisak nawn kei un, ci-in amah in gen hi.

Kha li hun sungin, Kasereka in Sabbath ni simlo kal khat sung ni khempeuh jet vanleng lengpih hi. Tua khith ciangin vanleng ap kik hi.

Kum khat khith ciangin, British neipa in Kasereka tungah phone ho hi. "Nang tawh kimu nuam ing," ci-in a gen hi. "Na inn ah hong pai-in na omna mun en nuam ing," a ci hi. Tua pa pen Democratic Republic of Congo ah vanleng tawh pai-in, Kasereka' inn ah a giak hi. "Hi mun ah deihna khat nei-in kong pai hi," ci-in gen hi. "Saturday ni leng ding nialna a piangsak upna a lenkip mipa khat ka thei nuam hi." Tua khith ciangin amah in thulianpi khat pulak hi.



"I nasep khop kha li sunga ka ngah bangin phatna lianpi ka ngah ngei nai kei," ci-in amah in gen hi. Na upna hangin, vanleng neu khat a khongin kong pia hi. Ama in Kasereka kiangah tuahna 18 a om mimal vanleng khat pia hi. Kasereka kiniam khiatin lamdang sa hi.

Khen I: A Huamin Etna

Thubulphuh: *John 17:3*

Lungngaih Ding: *Jer. 23:23, 24; Pian. 1:1; Pian. 2:7; Isa. 7:14.*

En' Pasion' vangliatna, thupiitna tel zolo hi hang. Pasion' ciimna ei bat zawhding hilo hi (*Isa. 55:9; Rom. 11:33*). Van le lei kikhaih zah sang in kikhai pek lai hi. Tua hitaleh a lamdangte lak ah a lamdang thu bel Lai Siangtho in Pasion theih huai hi cih hong sawl na hi (*Jer. 9:23, 24*).

Babylon kumpipa in bel a mipilte' gen pasiante pen "mihingte tawh a teengkhawm lo" (*Dan. 2:11*), theih ban ding hilo ci-in um hi. Daniel in tua ii langlam pan'n dawng hi. Pasion pen vantung ah a om hangin thu simte pulaak hi ci-in Daniel in gen hi (*Dan. 2:28*). Lai Siangtho in Pasion thu theihna ah thu nih gen hi: Pasion pen a nai-ah lah om, a gamla ah lah om cih thu hi (*Jer. 23:23, 24*). Hih pen leitung kipian sakna tangthu ah kimuthei hi, Pasion' thutan'na le a nai-a om nate kigen hi (*Pian. 1 le 2 sung-a Pasion- mihing kizop dan saikaak in*). Tua ban ah Piangsakpa pen Honpa hi veve hi (*Pian. 3:15*). Hih thumaan ah a vanglian Pasion i biak zia ding thu om hi: Amah'n ei le vankhuapi a bawl bek hilo-in ei tawh a om khawm dingin (*Isai. 7:14*) mihing dinmun hong kum suk vanaih theih le itna nei Pasion zong hilai hi.

Khen II: Hilhciaanna

"Pasion thu thei." Hebrew ngeina ah "thei" cih pen nu'pa kikaal kitheih dan agen hi. "Adam in a zi Eve thei in a zi gai" ci-in ki-en thei hi (*Pian. 4:1*). Pasion va theihna ah nu'pa dan suah kul hi. Hih kiciamna kammal pen (*Pian. 17:7, 8*) Solomon la ah zong kimu hi (*Sol. 2:16*). Thuciam Thak sungah Paul in Pasion in ei hong thei hi ci-in Pasion i theih ding thu alehlan pan' gen hi (*Gal. 4:9*).

Na a piangsak, Hotkhiatna pia Pasion. Lai Siangtho in Piansakna thu zawi nih in gen hi: Piansak 1 le 2. Piansak 1 sungah Pasion' min pen "Elohim" hi-in a nasia lam in gen hi. 'Elohim cihpen "plural"- atam hi-in nasiatna lak hi. 'Elohim in vang neihna, thahaatna lak hi. Piansakna tang thu genna nihna-a YHWH cih min pen (*Pian. 2*) a gei ah, om cih dan genna hi. Hih min pen *hayah* cih verb pan' hong pai-in "om" cihna hi-in Pasion pen ei' ading in om in Amah leitung ah hong kum suk in mihing te tawh kiho, kikhawl hi. Amah pen leitung tangthu ah om Pasion hi-in Abraham, Isaac, Jacob te' Pasion hi.

Leitung kipian'sakna ah Pasion in mihingte tawh kithuah nate kigen

hi. Piansial a lian khat ah 'Elohim min 35 vei dawk in, a lian nih sung ah YHWH mi 11 vei dawk hi. Alian khat sungah Pasion in mihing tungah nih vei hopih-in a taangpi-in genna hi. Mihingte pen Pasion' lim sun-in kibawl hi naci lai hi (*Pian. 1:27*). A lian nih sungah bel Pasion in mihing pen leivui la-in a khut mahmah tawh bawl in, huu muam in nungta sak hi cih (*Pian. 2:7*). Piansakna thu kigen masakna sungah Pasion in mihing hopih in mihing in dawng kik cihthu omlo hi. Piansakna thu kigen nihna ah Pasion in mihingte hopih-in amau in zong hopih kik ci hi.

Piansakna thu suutna nih kikaal kibatlohna in Pasion' vang kibatloh zia a gen nopna hi: Vankhuapi a piangsak vanglian Pasion pen mihing tawh a kikhawl hotkhatna a pia Pasion hi cihna hi.

I biak Pasion. Pasion pen ei hong Bawlpa le Honpa hi. Tua thu nih in i biak le paai na hong zuun hi. Thamlo-in tua thute in bang huhau-in en' biak kul hiam cih hong theisak hi. Amasa pen ah bel Pian'sakna thu hu hau hang hi: Pasion in van le lei bawl hi Piansial 1, 21 ah mihing zong kihel hi (*Pian. 1:26, 27; Pian. 2:7; Late 139:13-16*). Lai Siangtho sung ah bel biakpiakna pen Pasion in nate a pian'sakna thu ah theih neihna hi ci hi; *gentehna-in* ni sagih ni Sabbath ah Pasion ki biakna pen (*Pian. 2:1-3*) a piang masa pen mihingte'n Pasion' pian'sakna theihneihna hi. Pasion zahtaak ding cih pen Ama' thukhamte zuihna hi-in Sabbath thukham bek in Pian'sakna thu kaww hi (*Pian. 20:8-11*).

Late sungah bel biakpiakna pen Piansakna tawh zom den hi. Maang muhna bu in zong Pian'sakna thu mah biakpiakna a hangpi hi naci hi: "Topa aw, minthan'na, pahtawina le vangliatna a ngah dingin na kilawm hi. Banghanghiam cihleh na khempeuh nangma piangsak hi" (*Mang. 4:11*).

Biak ding a hang nihna pen hun bei hun ciangin a piang ding piangsak kikna ahi hotkhatna thu telna ah kinga hi. Vangtungmi khatna in "tuinak te" na ci hi (*Mang. 14:6, 7*), piangsakna thu kigen ciangin vantung, leitung, tuipi te kich detna ah "tuinak te" cih na behlap-in (*Pian. 20:11*) hong piang ding nuntak thak le lametna thu lak hi (*Pian. 16:7; Pai. 15:27; Late 107:35 te tawh saikaak in*). Ezekiel sungah Jerusalem thak pen tuinak te tawh kidim hi ci-a (*Eze. 47:1-12*), tua in Eden huan phawksak hi (*Pian. 2:10-14; Joe. 3:18; Zec. 13:1; Late 46:4 te tawh saikaak in*). Tua bang mah in Mangmuhna bu in "gunpi" na ci-in nuntakna om cih na hi (*Mang. 22:1, 2*). Tuuno pen Khazih hi-in a mite tuinak ah pai pih hi (*Mang. 7:17; Mang. 21:6; Mang. 22:17*). "Tuinak" pen mailam thu hi, hotkhat taktak ding hun kaww hi, Topa in a mite tawh om khawm takpi ding ahi (*Mang.*

22:1-3) Eden huan kaww hi.

Amaitang a seel Pasion. Isaiah sungah Pasion in Amaitang seel cihthu (*hester panim*) pen thu lian khat hi. Ahi zongin hih pen genthei sila thu tawh kizawi hi. Isaiah 53 sung-a maitang seelna thu pen Pasion' sihna, ei' sihna Amah tawh kikhenna hilo hi. Hih pen a hon ding-a kiseel, Pasion in mawh neite tawh kilem kikna hizaw hi. Hih pen milimte tawh kibatlohna hi. Milimte pen Pasion banglo-in a kiseelte hi (*Isa. 45:15*).

Lai Siangtho i matna mun in Amah le Amah kiseel Pasion pen milim banglo-in Pasion maan "Honpa" hi. Aneu 16 ciang-in Pasion le milimte kibatlohna gen hi. Isaiah 45:16 ah milim bawlte maizum huai zia, lung man nate a gen khit ciangin aneu 17 ah Piangsakpa in Israelte honkhia hi ci hi. Hotkhatna pen mihing bawl tawm milimte pan' hilo-in kuamah bawl loh kuamah muh ngeiloh Pasion kiang pan' hongpai hi. Tua pen Amah tang a seel Pasion kiang pan' hotkhatna hongpai hi cihna hi.

"Pasion ei' tawh omkhawm." Immanuel hong suah ding genkhohlna thu ah mihing uplahna kawmkaal ah lamet ding om hi cihthu kihel hi. Ahaz in a galte lel in David kumpi gui kitat ding patau hi. Tualeh Topa in amah thuhilh hi: "na up keileh, na kip peuhmah kei ding hi" (*Isa. 7:9*). Ahizongin Ahaz pen up lo lai veve in Pasion in lim a lak ding kitahna amah'n na nial hi (*Isa. 7:12*).

Pasion' tatdan pen ahi theilo dingte tawh kidim hi. "Tua ahiah ciangin" "amah" lo-in – mihing gamtat kihello cihna – ta gai ding ci hi. Tua hi-a "nungak khat gai in Tapa khat nei ding" (*Isa. 7:14*). Kamsang Isaiah in mihing ngeina lo-in a suak ding kumpi thu gen hi. Nungak siangtho sung pan' tapa suak ding; ama mi "Immanuel" kici ding, a khatna pen "Pasion ei tawh omkhawm" hi. Hih tapa hong suahna in leitung tangthu ah Pasion le a mite kinai sak ding hi.

Nungak khat sung pan in Immanuel hong suah ding thu pen Ahaz aa dingin ah David gui kitat loding cih aa-mah-kham hi. Mailam ah Immanuel hong suah ding thu pen Ahaz aa dingin tu mahmah in hehne na suak hi. Tu laitak-a om ei' aa dingin hong pai khin-a hong paikik ding Immanuel pen leitung bei dong thu hong muan sak huai hi. Eite' Honpa in "hun a bei dongin note kong ompih tawntung ding hi" cih hi (*Matt. 28:20*).

Khen III: Nuntakna-ah Zatpah Ding

Siate' aa ding: Pasion thei-in Amah i dawn' theih ding lampite bange hiam? Tua thu kan nadingin anuai-a Lai Siangtho munte sim khia sak in. Tua khitteh hih bangin dong in.

Late 139:19-24 simin.

1. Paul in ei pen “Pasian in hong thei khinzo hi” ci hi (*Gal. 4:9*). Tua in na lungsim bang ci lawn’ hiam?
2. Hih thu na theih manin na ngaihsutna le na lung himawhnate ah bang cih hiam?
3. Pasian in hong theihna thu in midangte tawh kikhohlhna ah bang cih hiam?
4. Pasian hong theihna thu in midangte tawh kikhohlhna le nisim na khen sat thute ah bang cih huzaap hiam?

Mangmuhna 14:7 simin.

1. Nate a piang sak Pasian tungah nang’ koicih thuk ding na hiam?
2. Mangmuhna 14:7 sung ah “Amah” (*pronoun*) bia ding (*verb*) kicihna in na biak na paai dan bang hong cisak tuam hiam?
3. “Amah” omlo-in kibia thei mah ding hiam? Gen in.
4. Sia dinmun, pawlpi mi dinmun tawh Pasian pawlpi sungah le ka lungsim sungah ateng dingin bang sem thei ka hiam cih kidong in.
5. **Gamtatna:** Biak le paai cih pen Piansakna thu in i lungsim lawng hi cih tawh biak huai hi. I biak Pasian pen a vanglian, a nasia *Elohim* hi (*Pian. 1:1 – 2:4*), hong it YHWH hi (*Pian. 2:4-25*). Laphuakpa in tua mah na gen hi, “kihtakna tawh Topa na sem unla, lin’na tawh lungdam un” (*Late 2:11*). Kikhopna ah music le thugen nate ah Piang’sakna thu gen dan nihte kihel kikhopnate geel in.

Daniel 3 simin.

1. Azuau biakna ziate (*Chaldean mite*) le amaan biakna ziate (Hebrew khangno thumte) lung ngai in.
2. Tua biak dan kibanglo nihte in nang bang hong hilh hiam?

Isaiah 6:5 simin.

Pasian na biak ciangin Isaiah lungsim puakte phawk kawm in. Isaiah lung sim puak zia in Pasian’ mai-ah kiniamkhiat ding kisap lam bang hong hilh hiam?

Paikhiatna 34:6, 7 simin.

1. Pasian’ ziate hih Lai Siangtho munte pan in khilkhia in.
2. Topa tawh na ton’khopna ah tuate (*lainatna, hehpihna, thu hoihna, mai sakna*) na sin na tuak kha ngei hiam?